

ՀՈՎՆԱԹԱՆՅԱՆ ՏՈՂՄԻ ՆՈՐԱՀԱՅՏ ՄԱՆՐԱՆԿԱՐԻՉՆԵՐ

Ա. Բ. ԳԵՎԱՐԳՅԱՆ

XVIII դարի հայ գեղանկարչական արվեստն իր ճանաչումն է գտել շնորհիվ Հովնաթանյան տոհմի նկարիչների, որոնց նախահայրը համարվում է Նաղաշ Հովնաթանը (1661—1722)։ 1682 թ. Փլավիոս Եվսեբիոսի «Վասն հրեական պատերազմին» երկի բնագրի իր ընդօրինակության հիշատակարանում նա գրում է. «Գրեցաւ զսա ձեռամբ Յովնաթան դպրի ի ղէողէն Շոռոթոյ եւ հայրն իմ ըզտէր Յոհանն՝ հանգուցեալն ի Քրիստոս...»¹։ Ներսէս Ակինյանը այս «տէր Յոհանն»-ին նույնացրել է XVII դարի ոմն Հովհաննէս վարդապետի հետ, որն ապրել է Շոռոթում և ձեռագրեր է նկարազարդել։ Այդ մասին նա գրում է. «Եթէ սխալման մեջ չենք գտնվիր, հաջողած է մեզի երևան հանել նաև տեր Հովհաննէսի անձնավորութիւնն և յուր նախնայաց տոհմագրութիւնն ընդարձակ գծերով»²։ Այստեղ Ակինյանը մեջբերում է կատարում 1631 թ. Շոռոթում Հովհաննէս վարդապետի ընդօրինակած «Լուծմունք Դաւիթ Անյաղթի եւ Յովհ. Որոտնեցոյ եւ Գր. Տաթեւացոյ» մատյանի հիշատակարանից, որտեղ ասվում է. «Ես, նուաստ եւ յետին ի բանասէրս՝ Յովհաննէս, անուամբ եւեթ կոչեցեալ վարդապետ, որդի տեր Վարդան քահանայի, որ զՍբ. Աստուածածնի Անապատս շինեաց ի գեղաքաղաքս Շոռոթ, եւ ժողովեաց բազում կուսան կրօնաւորս եւ հաստատեաց եւ լցոյց ամենայն շինութեամբ եւ բարութեամբ անպակաս, հոգեւորօք եւ մարմնաւորօք եւ ինքն փոխեցաւ առ լոյսն բնաւից ի տենչալին իւր»³։

Հետագա ուսումնասիրողները հիմք ընդունելով Ակինյանի այս մեկնությունները, որպէս Նաղաշ Հովնաթանի հայր ճանաչել են Հովհաննէս վարդապետին, որն իբր եղել է Նաղաշի «առաջին ուսուցիչը», «բանասեր և քարտուղար», «ծաղկող վարպետ»⁴։ Ե. Նաղարչանը և Ա. Մնացականյանը առարկում են Ակինյանին. «Սխալ է նրա հայր «տէր Յոհանն»-ին նույնացնել այն ժամանակ ապրած շոռոթեցի «Յովհաննէս վարդապետի» հետ, որը պատկանում էր Շոռոթի ամենախոշոր խոջաններից մեկի ընտանիքին»⁵։ Խնդիրը, սակայն, մնում է բաց։

Մաշտոցի անվան Մատենադարանում պահվում է Շոռոթում ընդօրինակված երկու ձեռագիր՝ Հայսմավուրք և Ավետարան, որոնց գրիչն ու ծաղկողն է տեր Հոհանը։

Առաջին ձեռագրում (№ 9242) կա այսպիսի հիշատակագրություն. «Բազմաբիծ և դատապարտ ոգույ գրողիս՝ Յոհան և եթ անուամբ քահանայի, գրեցաւ թվին ՌՃԺԲ (1663), ընտիր յօրինակէ ի գեղաքաղաքս Շոռոթ»⁶։ Ձեռագրի վերջում տեր Հոհանը թողել է ընդարձակ հիշատակարան, որի շնորհիվ ծանոթանում ենք իր կենսագրությանը. «Փառք... ետ կարողութիւն անսլիտան Յոհան և եթ անուամբ քահանայիս, հասուցանել աւարտ զսուրբ Աւետարանս՝ գիրն, ծաղիկն, կազմն։ Գրեցի զսա յընտիր օրինակէ, որ ո՛չ գտանի և կամ երեւի այսպիսի օրինակ, զոր շնորեցաւ ինձ ի ձեռանէ Յովհաննէս վարդապետ»։

1 Ն. Ակինյան. Հովնաթան Նաղաշ և Նաղաշ Հովնաթանյանը. Վիեննա, 1911, էջ 55։

2 Նույն տեղում, էջ 57։

3 Նույն տեղում, էջ 58։

4 Մ. Մկրտչյան. Նաղաշ Հովնաթան. Երևան, 1957, էջ 28։ Մ. Ղազարյան. Հայ կերպարվեստը XVII—XVIII դարերում. Երևան, 1974, էջ 147։

5 Նաղաշ Հովնաթան. Բանաստեղծություններ. Երևան, 1951, էջ 1։

6 Մաշտոցի անվ. Մատենադարան (ՄՄ), ձեռ. № 9242, էջ 104բ։

ախին՝ ... չի շնորհիք ի մաքրափայլ յաղօթս ձեր զգրիչ տէր Յոհաննես և զծնօղսն իմ՝ Կրիգորն և զԶօրիկն և զկողակիցն իմ՝ զՍողոմոն և զորդիսն իմ՝ զՄարդարէն և Յովնաթանն և զղոստերսն իմ՝ Զառնիշանն և զՍամիրսն և զեղբարսն իմ՝ Բաղէոսն և Հայկազն և զքորսն իմ՝ ՂԱննախաթունն, ՂԶինին և զՄարիամն և զուրք ի շնակ լիջիք»⁷։

Այսպիսով հայտնի է դառնում, որ տեր Հոհանն քահանա էր և նրա հայրը եղել է ոչ թե տեր Վարդանը, այլ Գրիգորը⁸։ Նաև իմանում ենք, որ այդ նույն տեր Հոհանն բազմազավակ հայր է եղել։ Ունեցել է երկու որդի՝ Մարգարև (ավագը) և Հովնաթան անուններով։ Տեր Հոհանն ունեցել է նաև երկու դուստր, քույրեր ու եղբայրներ։ Այստեղ ուշագրավ է նաև տեր Հոհանի հիշատակությունը Հովհաննես վարդապետի մասին, որից խնդրել է ընդօրինակվելու ձեռագիրը։ Կարծում ենք, այլևս առարկություն չի կարող լինել, որ տեր Հոհանն և Հովհաննես վարդապետը տարբեր անձնավորություններ են, որոնք նույն ժամանակում ապրել ու ստեղծագործել են Շոտթում։

Տեր Հոհանի երկրորդ ձեռագիրը 1662—1663 թթ. ընդօրինակված Հայսմավուրքն է⁹։ Մատյանի բազմաթիվ էջերում նա հիշատակագրություններ է թողել, որոնցում դարձյալ տեղեկացնում է իր ծաղկող լինելու մասին և հիշատակում է հարադատների միևնույն անունները։ Այս ձեռագրերի նկարադարձման ընդհանուր պատկերը թույլ է տալիս վստահորեն ասել, որ տեր Հոհանը եղել է շնորհալի արվեստագետ։ Ավետարանում պահպանվել է միայն Հովհաննես ավետարանիչի պատկերը՝ Պրոխորի հետ (նկ. 1)։ Ավետարանիչի խորհուրդ հայացքին ուղեկցում է ձեռքերի խոստովանությունը։ Պրոխորը ներկայացված է որպես մի աղջնակ՝ նուրբ դիմագծերով ու երկար մազերով։ Նկարիչը նրան պատկերել է նստած դիրքով, չնայած չեն նկարված ո՛չ աթոռ և ո՛չ էլ արն բարձիկը, որի վրա սովորաբար նա նստած է լինում։ Ավետարանիչի անվանաթերթ-կիսախորանը դարձրել է հայկական ոճով։ Սկզբնատառ թուղնագրերն ունեն սահուն ու ձկուն եզրագծեր։ Ձեռագրում կան նաև տերունական նկարներ, որոնք տեղավորված են լուսանցքներում՝ խաչելություն (էջ 32ա), Ավետում (էջ 38բ), Մկրտություն (էջ 43ա), Համբարձում (էջ 101բ)։ Հոհան նկարչի վարպետությունն առանձնապես նկատվում է Հայսմավուրքի սրբապատկերներում։ Որոնցում ակնհայտ է եվրոպական աշխատի ազդեցությունը։ Կերպարներն ունեն նուրբ ու վաշխուղ դիմագծեր, ձկուն ու շարժուն կեցվածք, որոնք լրացված են մարմնի համաչափությունների գրագետ պահպանմամբ (նկ. 2, 3, 4)։ Պատկերների գունային ներդաշնակությունն ստեղծվել է հիմնականում կարմիր, մանուշակագույնի ու կապույտի մեղմ համադրությամբ, որոնք տեղ-տեղ լրացվել են նարնջագույնի պաթառ շեշտով։ Դիմանկարներում միօրինակ են աչքերի կլոր բիբերն ու նրանց մեղմ արտահայտությունը։ Ինքնատիպությամբ աչքի է ընկնում մարդկանց հագուստների ծալքամասերի գծային կատարումը։ Հայսմավուրքում առանձնապես բովանդակալից են լուսանցադարձերը, որոնք հարուստ են իրենց թեմատիկ լուծմամբ։ Հատկապես ուշագրավ են կենդանական աշխարհի հետ կապված զարդամոտիվները։ պատկերված է մայր թռչուն՝ գլխին բույն և վրան ձագեր կամ թռչուն՝ բերանին օձ, հուշկապարիկ՝ փետրավարդ գլխարկով (նկ. 5)։ Հետաքրքրական են ոճաւորված գմբեթավոր տաճարներն իրենց բազմաձևությունով (նկ. 6), բնական ծաղիկներն իրենց բազմերանգությունով։ Հոհանի ստեղծած վարդատուները տարբեր են՝ կենդանագիր, թռչնագիր, մարդագիր։ Հյուսվածքագիրը Նրբեմն չափ կամ աչն տառի հորինվածքը կազմված է տարբեր կերպարների հյուսվածքային գեղեցիկ համադրությամբ։ Այս ամենը ստեղծվել է մանրանկարչի հմուտ ձեռքերով և վկայում է այն մասին, որ նա բավական հիմնավոր կրթություն է ստացել։

7 Նույն տեղում, էջ 159ա։

8 Շոտթում այդ ժամանակ եղել է նաև Գրիգոր գրիչ, սակայն ո՛չ Հոհանի հայրը։

9 ՄՄ, ձեռ. № 7363։

Հոհանի ընդօրինակած երրորդ ձեռագրում, որ 1653 թ. Ավետարան է, նա իր հարազատների անուններից բացի հիշատակում է նաև ուսուցիչներին. «Աւարտ եղև սուրբ Աւետարանս ձեռամբ սուղ և նուաստ սուտ անուն կոչեցեալ սարկաւազ Յոհանին: Որ և աշակերտ եղէ Մովսէս րաբունապետի, որ և կոչի անյաղթ փիլիսոփա: Քանզի բազում աշխատութիւն արար ի վերա իմ: Թէ գրի



Նկ. 1

և եթէ ծաղկի վարձս ի տիրոջէ առցէ: Դարձեալ միւս վարդապետն իմ, որ կոչի Առաքել: Նայ ալեւս բազում աշխատեցաւ, որ դասատու եղև ինձ»¹⁰:


Մովսես րաբունապետը, անշուշտ, Մովսես Տաթևացի կաթողիկոսն է (1628—1632 թթ.): Նրա գործունեության մասին հանգստմանորեն դրել է

¹⁰ ՄՄ, ձեռ. № 2494, էջ 354բ:

ն. Ակինյանը¹¹, նախքան կաթողիկոս դառնալը Մովսեսը Պողոս վարդապետ Մոկացու հետ 1613—1620 թթ. մեծ աշխատանք է ծավալել հատկապես Արեւիկյան Հայաստանում դպրոցների հաստատման ու մանուկների դաստիարակության ասպարեզում: Այդ մասին Ակինյանը, վկայակոչելով Առաքել Դավրիժեցուն, բերում է նրա հետևյալ տողերը. «Իսկ երկոքին վարդապետքն՝ Մովսեսս և Պողոսս ևղեն իրերաց ընկերք իբրև զսուրբ առաքեալսն՝ Պետրոսս եւ Պողոսս, լիալք ամուլք հաւատոյ՝ շրջեցան յամենայն գաւառս արեւելեայ աշ-



Նկ. 2



Նկ. 3

խարհիս, քարոզէին ամենեցուն զճշմարտութիւն, շինէին զեկեղեցիս, կարգէին քահանայս, հաստատէին դպրոցս, ուսուցանէին մանկունս»¹²: Դավրիժեցու վկայութեամբ նրանք դպրատուն հաստատեցին նաև Աստապատում, Շոռոթում, Աղուլիսում, որտեղ ուսանելու էին գալիս շրջակա գյուղերից: Այդ թվականներին էլ Հոհանն Էրեւանը աշակերտել է Մովսես վարդապետին: Հենվելով Դավրիժեցու տեղեկության վրա, Ակինյանը ասում է, որ 1620 թ. հետո Մովսեսի համար անհնար եղավ մնալ Սյունիքում, քանի որ անվերջ հալածվում էր իր հակառակորդների և հատկապես կաթողիկոսի կողմից: Նա հաստատվում է Երեւանում, իր հետ տանելով բազմաթիվ շնորհալի աշակերտների. «Եւ բազում աշակերտօք զնացեալ յԱյրարատեանն գաւառ», որտեղ և հիմնադրում է Անանիա Անապատի դպրոցը¹³: Մովսեսը դպրատուն է հիմնում նաև Հովանավանքում, «որ ժողովեաց մանկունքս յուրմս և զամենեցուն զծախսն և զպէտան ինքն հոգայր»¹⁴: Իսկ Հոհանի մյուս ուսուցիչը («զարձեալ միւս վարդապետս իմ, որ կոչի Առաքել») թեքւս Առաքել Դավրիժեցին է: Հնարավոր է, որ Հոհանը աշակերտած լինի նրան Հովանավանքում կամ էջմիածնում:

Հոհանի ընդօրինակած 1653 թ. Ավետարանում ուշագրավ են հատկապես ավետարանիչների պատկերները: Դրանցից Մատթեոսը, Մարկոսը և Դուկասը նկարված են միևնույն հորինվածքով. նման են նաև կերպարները, որոնց մոտ նկատվող միակ տարբերությունը խորքերի գունային լուծումն է՝ կարմիր կամ դեղին: Հովհաննես ավետարանիչը, որը պատկերված է Պրոխորի հետ, ունի սովորական հորինվածքային լուծում: Մանրանկարների գունային կոլորիտը հիմնականում կարմիր, դեղինի և կապույտի համադրությունն է: Խորանների մեջ


¹¹ Ն. Ակինյան. Մովսես Գ Տաթևացի հայոց կաթողիկոսն և իր ժամանակը. Վիեննա, 1963:

¹² «Պատմութիւն Առաքել վարդապետի Դավրիժեցույ». Վաղարշապատ, 1896, էջ 291: Ն. Ակինյան. Մովսես Գ Տաթևացի..., էջ 87, 88:

¹³ Ն. Ակինյան. Մովսես Գ Տաթևացի..., էջ 307:

¹⁴ Առաքել Դավրիժեցի, էջ 307:

պատկերված Եվսեբիոսի և Կարպիանոսի դիմապատկերների նմանօրինակները տեսնում ենք Հոհանի մյուս ձեռագրերում: Ինքնատիպ են հատկապես լուսանցքների թռչնազարդերը (էջ 73ա, 126բ): Լուսանցքներից մեկում ներկայացված է «Քրիստոսի հարություն» պատկերը, որը դարձյալ հիշեցնում է Հայսմավուրքի միևնույն նկարը, բայց ավելի պարզունակ տեսքով: Այս նկարներն իրենց կատարողական արվեստով դեռ չունեն այն վարպետությունը, որ



նկ. 4



նկ. 5

տեսնում ենք նրա հետագա՝ տասը տարի հետո կատարած աշխատանքներում:

Հովնաթանյան տոհմի երկրորդ նորահայտ մանրանկարին է Հոհանի ավագ որդին՝ Մարգարը: Նրա մասին, ինչպես տեսանք, տեղեկություն կար Հոհանի 1662—1663 թթ. ընդօրինակած ձեռագրերում. «...և որդուցս՝ Մարգարին և Յովնաթանին»: Որոշումներից պարզվեց, որ Մարգարը նույնպես զբաղվել է գրչության արվեստով: Մաշտոցի անվան Մատենադարանում է գտնվում 1679 թ. Շոռոթում Մարգարի ընդօրինակած ժողովածուն: Ձեռագրի հիշատակարանից տեղեկանում ենք. «Գրեցաւ թվականիս ՌՃԻԸ (1679) ի դեօղաքաղաքն Շոռոթ, ձեռամբ անարհեստ և մատնագէտ միայն անամր դպիր Մարգարիս...»¹⁵: «Արդ, աղաչեմ հանդիպողաց սուրբ գրոցս, միով հայրմեղայիւ յիշել զհանգուցեալ հայրն իմ՝ զտէր Յոհանն և Աստուած զյիշողքդ յիշէ...»¹⁶: Հիշատակարանից միաժամանակ հայտնի է դառնում, որ տեր Հոհանը մահացել է ոչ թե 1682 թ., ինչպես ենթադրվել է մինչև այժմ, այլ 1679 թ.:


Ժողովածուն ունի գեղարվեստական համեստ հարդարանք. մեկ անվանաթերթ-կիսախորան, բազմաթիվ գլխադարձեր իրենց լուսանցազարդերով ու զարդագրերով: Զարդաձևերը և նրանց ոճավորումը, ինչպես և զուսպ գունաշարը հիշեցնում են տեր Հոհանի մանրանկարները: Միակ դիմապատկերը, որ հանդիպում է Մարգարի ձեռագրում, Քրիստոսի գծանկարն է՝ կիսախորանի կենտրոնի բաց տարածության մեջ (նկ. 7):

Երրորդ նորահայտ ծաղկողը Նաղաշ Հովնաթանի հորեղբայրն է՝ Թադեոսը: Ինչպես տեսանք, Հոհանը մեզ ճանաչել տվեց նաև իր եղբայրներին. «Նւ երկու եղբարքն իմ՝ զԹադէոսն և Հայկազն»: Պարզվում է, որ Թադեոսը նույնպես զբաղվել է գրչության արվեստով: Մատենադարանում է նրա ընդօ-

¹⁵ ՄՄ, ձեռ. № 4418, էջ 171բ:

¹⁶ Նույն տեղում, էջ 323ա:

քինակած 1667—1668 թթ. Աստվածաշունչը, որը պատվիրել է մեզ արդեն հայտնի Հովհաննես վարդապետը. «Եւ ողորմութեանց և յիշմանց կարօտ Յովանէս վարդապետս ցանկացալ այսմ կտակարանացս և յաւաքեալ ետու ծրել



Նկ. 6

զայստուիկ Թաղէոս դպրի ի դեւղաքաղաքն Շոռոթ...»¹⁷։ Թաղեոսը ձեռագրի մի քանի էջերում թողել է նաև իր մակագրությունները. «Գրեցաւ թվին ՌՃԺԶ (1667) ամին, ձեռամբ մեղաւոր Թաղէոսի»¹⁸։ Սակայն նա ընդօրինակել է ձե-

¹⁷ ՄՄ, ձեռ. № 3545, էջ 127ա։

¹⁸ Նույն տեղում, էջ 127ա (նաև 92բ)։

ռազմի մինչև 127թ թեթև, որից հետո շարունակել է գրել Ալեքսանր, իսկ թաղեոսը հաշվանաբար զբաղվել է ձեռագրի նկարազարդումով: Աստվածաշնչի սակավ նկարազարդումը հար և նման է Հոհանի 1653 թ. Ավետարանի պատկերներին. միևնույն ոճով են կառավարված հատկապես ռճավորված թրու-նազարդերը:



նկ. 7

Այսպիսով, հայտնի է դառնում, որ նկարիչ Հովնաթանյանների տոհմը սկսվում է ոչ թե նաղաշ Հովնաթանով, այլ նրա նախորդներով՝ առաջիկա մեզ հայտնի են նրա հոհ, հորեղբոր և ավագ եղբոր անունները, որոնց ստեղծագործությունների մանրադնին ուսումնասիրությունը, կարծում ենք, մեծապես կօգնի Հովնաթանյան գեղյաստանին վերաբերող աշխատանքների ճշգրտման ու լուսաբանման գործին:

Այժմ մի հարց. նկարիչ Հոհանը յարդոք չի՞ զբաղվել նաև որմնանկարչությամբ. հնարավոր չէ՞, որ նա մասնակցած լինի էջմիածնի տաճարի նկա-

յադարդմանը: Այդ հարցի պատշաճ ուսումնասիրությունը թողնելով Հովնաթանյան տոհմի արվեստով զբաղվողներին, կուզենայինք խոսք ասել որոշ հարցերի բանասիրական պարզաբանման առումով:

Էջմիածնի դանգակատան նկարազարդման (1664 թ.) հեղինակների մասին Հովնաթանյան Շահաթունյանը գրում է. «Յամենեսին ի սոսա քաջապէս փայլին շնորհօք ձեռաց մեծանուն վարդապետին Լեհացուլ և քաջ նկարչին հօր Յովնաթանու»¹⁹: Կարծվել է, թե խոսքը նաղաշ Հովնաթանի մասին է: Գարեգին Լևոնյանն էլ այդ հայտարարությունը համարել է թյուրիմացություն, որովհետև Լեհացին ու նաղաշը միաժամանակ չեն աշխատել ու ստեղծագործել»²⁰: Սակայն Շահաթունյանը հազիվ թե «հայր Յովնաթանու» փոխարեն գրեր «հօր Յովնաթանու»: Ե. Մարտիրոսյանը Շահաթունյանի հիշյալ նախադասությունը մեջբերելիս «հօր Յովնաթանու» դարձվածքի փոխարեն գրում է միայն «Յովնաթանու»՝ «հօր» բառը հավանաբար ավելորդ համարելով²¹: Մ. Ղաղարյանն աշխատում է «հօր Յովնաթանու» տվյալի տակ տեսնել նաղաշ Հովնաթանին²²: Ոչ որ չի մտածել այդ կարևոր տվյալը վերագրել նաղաշ Հովնաթանի հորը:

Այժմ, երբ մեզ հայտնի է, որ Հովնաթանի հայրը եղել է նկարիչ և ժամանակակից Ստեփանոս Լեհացուն, ինչու՞ չմտածել, թե Շահաթունյանը «հօր Յովնաթանու» ասելով, նկատի է ունեցել Հովնաթանի հորը՝ տեղի Հոհաննիս: Եվ րանի որ Շահաթունյանի ժամանակի համար ճանաչված ու նշանավոր նկարիչ էր նաղաշ Հովնաթանը, ուստի տեղի Հոհաննիսն նա ներկայացնում է Հովնաթանի անունով՝ «հօր Յովնաթանու»: Բացի այդ, նաղաշ Հովնաթանը հոր մահից հետո Երևան էր եկել վերանորոգելու 1679 թ. երկրաշարժից տուժած Պողոս-Պետրոս, Ս. Անանիա (Զորավոր) և Կաթողիկե եկեղեցիների որմնաքարերը, որոնք Գ. Լևոնյանի կարծիքով «գրեթե միևնույն ոճի ու բնույթի սրմնանկար, զարդարանքներ ու պատկերներ ունեին»²³: Կարելի է ենթադրել, որ տասնութամյա պատանին Երևան էր հրավիրվել հոր որմնանկարները վերանորոգելու համար: Անհամաձայն չէր լինի կարծել, որ Ագուլիսի, Շոռոթի եկեղեցիների որմնանկարները կատարած լինեն տեղի Հոհանը և նրա որդիները: Այսպիսով հիմք կա պնդելու, որ ճանաչում գտած տեղի Հոհանը ժամանակին հրավիրվել է էջմիածին և մասնակցել դանգակատան նկարազարդմանը:

Ինչ վերաբերում է Ստեփանոս Լեհացուն, որը ժամանակակից էր տեղի Հոհանին և համարվել է էջմիածնի XVII դարի նշանավոր նկարիչ, ապա կարծում ենք, որ նա նկարիչ չի եղել²⁴: Այսպես մտածելու իրավունք են տալիս հետևյալ փաստերը. նա հիմնականում զբաղվել է պատմությամբ, գրականությամբ ու թարգմանություններով: Նրա դրազդրած ձեռագրերից տեղեկանում ենք, որ գրանք նկարազարդվել են տարբեր ծաղկողների կողմից, իսկ ինքը կատարել է միայն դարդագրերը: Լեհացու ընդօրինակած և Լվովի Ս. Աստվածածին եկեղեցուն նվիրաբերած 1661 թ. Ավետարանում նա պարզ ասում է. «...ոսկե-նկարէս իմն տեսակաւ դարգարել ետու գեղապաճոյճ արարեալ ի գոյնս վայելուչս երանգազան որակօք երփնադարդեալ ըստ արհեստից յորինմամբ...»²⁵: Մաշտոցի անվան Մատենադարանում պահպանվող Լեհացու ընդօրին-

19 Յ. Շահաթունյան. Ստորագրություն Կաթողիկե էջմիածնի և հինգ դաւառացն Արարատա. Վիեննա, 1911, էջ 45:

20 Գ. Լևոնյան. Հովնաթանյան նաղաշները հայ նկարչության պատմության մեջ. «Խորհրդային արվեստ», 1938, № 4, էջ 54:

21 Ե. Մարտիրոսյան. Հայկական կերպարվեստի պատմություն. հ. 1, Երևան, 1971, էջ 30:

22 Մ. Ղաղարյան. Ստեփանոս Լեհացի. «Էջմիածին», 1976, № 6, էջ 52:

23 Նույն տեղում, էջ 25:

24 Այդ նույն եզրակացությանն է հանգել նաև Հայաստանի պետական պատկերասրահի աշխատակցուհի Անդրի Առաքելյանը (տե՛ս Ա. Առաքելյան. Տիրամոր յոթ վերքը՝ կտավի հեղինակի հարցի շուրջ. ՀՍՍՀ ԳԱ «Լրագրեր հաս. գիտ.», 1981, № 5, էջ 89):

25 Ղ. Ալիշան. Կամենից, տարեգիրք հայոց Լեհաստանի եւ Ռուսներու յաւաստեայ յաւաքեալովք, Վենետիկ, 1896, էջ 193: Նույնը՝ Մ. Ղաղարյան. Ստեփանոս Լեհացի, էջ 52:

նակած ձեռագրերից շորսը նկարազարդել է Սիմեոն րաբունին²⁶, երկուսը՝ ալ նկարիչներ²⁷։ Իսկապես, ինչպես նկատել է Դ. Հովսեփյանը. «Եթե Իլովացին նկարչութիւնը զբաղված լինէր ալ ժամանակներում, Կամ ուսած լինէր Իլովում յոր պատանեկութիւն ժամանակ, անկարելի էր, որ Դավրիժեցին չհիշէր, մանավանդ լավագոյն առիթն ունէր այդ մասին գրելու»²⁸։ Արշակ Զոպանյանը ակնարկում է, թե Գարեգին Զարպհանալյանը Ստեփանոս Լեւոնցու մասին խոսելիս «անոր նկարչական ձիրքեր ալ ունենալու մասին որեւէ խոսք չըսեք»²⁹։ Ստեփանոս Լեւոնցու գրչագրած ձեռագրերից մեկում հիշատակվում է մի այլ Ստեփանոսի մասին, որը էջմիածնում եղել է վարդապետ և տնօրինել է հիշյալ ձեռագրի ստեղծման գործը. «...բայց գրեցաւ ձեռամբ Ստեփանոս քահանայի և ծաղկափթիթ տեսակօք զարդարեցաւ Ալեքսիանոսի և Նահապետի արուեստաւորօք, հոգացողութեամբ և սատարութեամբ Ստեփանոս վարդապետի»³⁰։ Շահաթունյանը արդյո՞ք չի շփոթել այս երկու Ստեփանոսներին։ Հանգակատան աշխատանքների սատարողն ու հոգացողը գուցե եղել է այս Ստեփանոս վարդապետը։

XVII—XVIII դդ. Շոռթի ծխական դպրոցը գրչութիւն աչքի ընկնող օջախներից մեկն էր, որտեղ ծնունդ առաւ Հովնաթանյան տոհմի նկարիչների ոչ թե հինգ, այլ վեց սերունդ։ Նրանցից շատերը նույնպես էջմիածնում ձեռագրեր նկարազարդեցին։ Նրանք, կարեւոր տեղ տալով դիմանկարչութիւն և որմնանկարչութիւն արվեստին, այն հասցրին նոր մակարդակի և մեծ ճանաչում գտան հայ գեղանկարչութիւն պատմութիւն մեջ։

НОВОВЫЯВЛЕННЫЕ МИНИАТЮРИСТЫ ИЗ РОДА ОВНАТАНЯНОВ

А. Б. ГЕВОРКЯН

(Резюме)

Первым представителем династии художников Овнатянянов считался до сих пор Нагаш Овнатянян. Его отца тер-Ована многие исследователи по недоразумению отождествляли с писцом и миниатюристом вардапетом Ованнэсом, жившим в это же время в Шороте. В рукописном фонде Матенадарана нами выявлены три рукописи, написанные и украшенные рукою отца Нагаша: один Синаксарь и два Евангелия (рук. № 9242, 7363, 2494), миниатюры которых довольно умело. В памятных записях этих рукописей тер-Ован сообщает имена своих родителей, братьев, сестер, жены и детей. Выясняется, что Нагаш имел старшего брата Маргара, который также был сведущ в искусстве письма (рук. № 4418). Копированием рукописей занимался также брат тер-Ована Тадеос (рук. № 3545). Таким образом, род художников Овнатянянов начинается с отца, брата и дяди Нагаша Овнатяняна. Некоторые филологические уточнения позволяют утверждать, что тер-Ован занимался также степной росписью. Он участвовал в украшении фресками колокольни Эчмиадзинского храма.

26 ՄՄ, ձեռ. № 2381, 1549, 2503, 1742: Այս վերջին ձեռագրում (1646—1653 թթ.) հիշատակվում է, որ Սիմեոն րաբունու մահվան պատճառով ձեռագրի նկարազարդումը մնացել էր անավարտ: Ավետարանի վերջնական տեսքի է բերվել նոր Զուղայում, ծաղկող Հայրապետի կողմից:

27 ՄՄ, ձեռ. № 5171, 981:

28 Գ. Հովսեփյան. էջմիածնի տաճարի նկարազարդումն ու ծաղկազարդումը Ժ—Ժ դարերում, «Նյութեր և ուսումնասիրություններ հայ արվեստի և մշակույթի պատմության», պր. Ե, Անթիլիաս, 1951, էջ 13:

29 Ա. Զոպանյան. Նադաշ Հովնաթան աշուղը և Հովնաթան Հովնաթանյան նկարիչը. Փարիզ, 1910, էջ 31:

30 ՄՄ, ձեռ. № 981, էջ 501բ: Այս ձեռագրի մասին Մ. Դադարյանը տեղեկացել է Մատենադարանի արխիվային ֆոնդից (Հարություն Աբրահամյանի արխիվ, թղթ. 98, վավ. 13ա):